



Broj: 16-12-16-7077-⁴/25
I. Sarajevo, 03.12. 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23), Izvještaja o toku i završetku e-aukcije od 01.12.2025. godine, na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-7077/25 od 02.12.2025. godine, u postupku javne nabavke usluga uspostavljanja jedinstvene VPN mreže za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke usluga uspostavljanja jedinstvene VPN mreže za potrebe Državne agencije za istrage i zaštitu

Član 1.

U postupku javne nabavke usluga uspostavljanja jedinstvene VPN mreže za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Državne agencije za istrage i zaštitu u 2025. godinu broj 16-12-16-7077/25 od 02.12.2025. godine, okvirni sporazum na period od tri godine dodjeljuje se ponuđaču „Mtel“ a.d. Banja Luka, ponuda broj 16-12-16-7077-4/25 od 19.11.2025. godine, za ponudenu cijenu u iznosu od 85.000,00 KM bez uračunatog PDV-a, umanjenu nakon rezultata e-aukcije.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

Obrazloženje

Odlukom broj 16-12-16-7077-1/25 od 24.10.2025. godine pokrenut je postupak javne nabavke usluga uspostavljanja jedinstvene VPN mreže za potrebe Agencije, procijenjene vrijednosti 100.000,00 KM bez uračunatog PDV-a, na period od tri godine, za koji je obavještenje o javnoj nabavci broj 1161-1-2-263-3-77/25 objavljeno na Portalu javnih nabavki 30.10.2025. godine i u „Službenom glasnik BiH“, broj 67/25. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period oktobar-decembar 2025. godine broj 05-02-2-5606-1/25 od 24.09.2025. godine i Dokumenta okvirnog budžeta 2025.- 2027. godina. Za navedeni postupak javne nabavke predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 23. Tenderske dokumentacije navedeno da je rok za dostavljanje ponuda 19.11.2025. godine do 12:00 sati, te da se ponude dostavljaju u zatvorenoj koverti, Komisija je dana 19.11.2025. godine u 13:00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju prisustavovala je predstavnik ponuđača „Mtel a.d. Banja Luka.

Blagovremeno su dostavljene ukupno dvije ponude i to:

R/B	Naziv ponuđača	Ponuđena cijena bez uračunatog PDV-a
1.	„Mtel” a.d. Banja Luka	99.972,00 KM
2.	„BH Telecom” d.d. Sarajevo	99.450,11 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „Mtel” a.d. Banja Luka i „BH Telecom” d.d. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Odsjeka za informatiku, komunikacije i sigurnost informatičkih sistema Sektora za operativnu podršku aktom broj 16-12-16-7077/25 od 20.11.2025. godine tražila da na osnovu uvida u ponude ponuđača „Mtel” a.d. Banja Luka i „BH Telecom” d.d. Sarajevo dostave stručno mišljenje u pogledu ocjene tehničkih uslova postavljenih u Tenderskoj dokumentaciji. Aktom broj 16-10-16-7077/25 od 26.11.2025. godine Odsjek za informatiku, komunikacije i sigurnost informatičkih sistema Sektora za operativnu podršku dostavio je stručno mišljenje, u kojem je navedeno da ponuđači „Mtel” a.d. Banja Luka i „BH Telecom” d.d. Sarajevo u potpunosti ispunjavaju tehničke uslove postavljene u Tenderskoj dokumentaciji.

Obzirom da je Tenderskom dokumentacijom za postupak javne nabavke usluga uspostavljanja jedinstvene VPN mreže za potrebe Agencije predviđeno provođenje e-aukcije u skladu sa Pravilnikom, da su za navedeni postupak zaprimljenje dvije prihvatljive ponude Komisija je zakazala e-aukciju dana 01.12.2025. godine u 11:00 sati u trajanju od 30 minuta, na kojoj su učestvovali slijedeći ponuđači i to:

- a) „Mtel“ a.d. Banja Luka, za ponuđenu cijenu u iznosu od 99.972,00 KM bez uračunatog PDV-a;
- b) „BH Telecom“ d.d. Sarajevo, za ponuđenu cijenu u iznosu od 99.450,11 KM bez uračunatog PDV-a.

Prema Izvještaju o toku i završetku e-aukcije od 01.12.2025. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Konačna cijena u KM bez uračunatog PDV-a	Umanjenje cijene	Rang
1.	„Mtel“ a.d. Banja Luka	85.000,00	14,98 %	1
2.	„BH Telecom“ d.d. Sarajevo	85.100,00	14,43 %	2

Shodno Izvještaju o toku i završetku e-aukcije od 01.12.2025. godine, Komisija je utvrdila da je bilo snižavanje cijena ponuda u rasponu od 0,1% do 10% od ponuđene cijene, a kako je propisano članom 10. Pravilnika.

Nakon provedenog postupka ocjenjivanja dostavljenih ponuda, uzimajući u obzir stručno mišljenje Odsjeka za informatiku, komunikacije i sigurnost informatičkih sistema Sektora za operativnu podršku, Komisija je utvrdila da je ponuda ponuđača „Mtel“ a.d. Banja Luka ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u postupku javne nabavke usluga uspostavljanja jedinstvene VPN mreže za potrebe Agencije, okvirni sporazum na period od tri godine dodijeli ponuđaču „Mtel“ a.d. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.



DIREKTOR
GLAVNI GENERALNI INSPEKTOR POLICIJE

Darko Čulum